

Flinke elevar ved ny skule

05.10.2014

Under



Nuten

Skuleavis for Rosendal ungdomsskule


5. Årgang, okt. 2014

Pris: 30,00 kr

På besøk hos spreke husokkupantar




Torsdag 26. september gjorde kommunestyret eit vedtak som fekk store konsekvensar for ei flott øy, og to sjarmerande og godt vaksne husokkupantar. Våre utsende medarbeidarar tok turen til Varaldsøy for å møte Mildrid Hartveit (86), ei av dei to damene. Les meir på side



**Korleis bli ein god
amatørfotograf**
Les meir på s. 18/19



Ebola
Det dødelege virus
Les meir på s. 26



**Turtips til
Haustferien**
Les meir på s. 16

Tiandeklassingane ved Rosendal ungdomskule imponerer. Dei har laga ei avis på 28 sider som er utruleg innhaldsrik og leseverdige. Berre så synd at dei ikkje har fått betre rettleiing om typografi og layout. Den knøttsmå skrifta er ikkje lett å lesa for eldre folk og bileta fortener ein betre skjebne.

Også fleire uskedelinger har vore med på avislaget og ein av dei er Karsten Andre Haugland, som har laga reportasje om kva ungdommen her i bygda driv med. Det er mellom anna airsoft, som er ein annan form for paintball og som dei brukar ein masse pengar på, opplysar Karsten Andre. Dei spelar i skogområdet og har planar om å finna andre eigna plassar.

Ellers inneheld avisa mykje anna stoff som ein kan ha nytte av og vi siktar mellom anna til ein instruktiv artikkel om fotografering som nokon kvar bør lesa. Den første setningen er ikkje minst viktig: **Før å ta gode bilete må du ta kontrollen sjølv!**

Turglede er ein annan nyttig artikkkel og her lokkas det mellom anna med Mannsvatnet som ein fin plass der ein kan telte eller liggja i hytte. Denne artikkelen er det Ingvill Ersland Myklebust, Solveig Haugland og Kristine Tveit som står bak. Så er det mykje godt reportasjestoff, mellom anna frå aldersheimen på Varaldsøy.

Det er også grunn til å merka seg den positive haldninga til nyskulen. I leiaren sleg redaktørane Mathilde Skeie Olsen og Ada Margrethe Seim fast at den er ein bra skule med god kvalitet. Det er eit bra skulemiljø med lite mobbing og stor trivsel blant elevane. Den er mykje betre enn den gamle skulen. Dei har både eigen naturfagsal, auditorium, musikkrom, kantine og skulekjøkken. påpeikar dei.

Og vi håpar at dei også har godt nok utstyr slik at neste UNDER NUTEN vert av betre teknisk kvalitet. Det fortener dei flinke elevane.

Tekst og nett: Ola Matti Mathisen